



Međunarodni sud za krivično  
gonjenje osoba odgovornih za  
teška kršenja međunarodnog  
humanitarnog prava počinjena  
na teritoriji bivše Jugoslavije  
od 1991. godine

Predmet br. IT-09-92-PT  
Datum: 18. juli 2011.  
Original: engleski

**PRED PRETRESNIM VIJEĆEM I**

**U sastavu:** sudija Alphons Orie, predsjedavajući  
sudija Bakone Justice Moloto  
sudija Christoph Flügge

**Sekretar:** g. John Hocking

**Nalog od:** 18. jula 2011.

**TUŽILAC**

**protiv**

**RATKA MLADIĆA**

**JAVNO**

---

**NALOG O RASPOREDU ZA STATUSNU KONFERENCIJU**

---

**Tužilaštvo**

g. Dermot Groome  
g. Peter McCloskey

**Dežurni branilac za Ratka Mladića**

g. Aleksandar Aleksić

**PRETRESNO VIJEĆE I** (dalje u tekstu: Vijeće) Međunarodnog suda za krivično gonjenje osoba odgovornih za teška kršenja međunarodnog humanitarnog prava počinjena na teritoriji bivše Jugoslavije od 1991. godine (dalje u tekstu: Međunarodni sud);

**IMAJUĆI U VIDU** da je **RATKO MLADIĆ** (dalje u tekstu: optuženi) uhapšen u Republici Srbiji 26. maja 2011. i prebačen u sjedište Međunarodnog suda 31. maja 2011. godine;

**IMAJUĆI U VIDU** da su prvo stupanje optuženog pred Sud i njegovo daljnje prvo stupanje pred Sud održani 3. juna 2011. i 4. jula 2011. godine;

**IMAJUĆI U VIDU** da je tužilaštvo 1. jula 2011. dostavilo pismeno obavještenje da je ispunilo svoje obaveze objelodanjivanja u skladu s pravilom 66(A)(i) Pravilnika o postupku i dokazima Međunarodnog suda (dalje u tekstu: Pravilnik);

**IMAJUĆI U VIDU** da je, tokom daljnjeg prvog stupanja pred Sud, Vijeće odobrilo sekretarov zahtjev da se rok za imenovanje stalnog branioca optuženog produži do 1. avgusta 2011. godine;

**IMAJUĆI U VIDU** da se, shodno pravilu 72(A), svi preliminarni podnesci podnose najkasnije trideset dana poslije objelodanjivanja u skladu s pravilom 66(A)(i), iako taj rok od trideset dana neće teći dok se optuženom ne dodijeli stalni branilac;

**UZIMAJUĆI U OBZIR** pravilo 65*bis* Pravilnika koje predviđa da pretresno vijeće mora sazvati statusnu konferenciju u roku od sto dvadeset dana od prvog stupanja optuženog pred Sud;

**NA OSNOVU** pravila 54 i 65*bis* Pravilnika;

**OVIM ZAKAZUJE** statusnu konferenciju za 25. avgust 2011. godine u 14:30 sati u sudnici br. 1.

Sastavljeno na engleskom i francuskom jeziku, pri čemu je mjerodavna engleska verzija.

/potpis na originalu/  
sudija Alphons Orié,  
predsjedavajući

Dana 18. jula 2011.  
U Haagu,  
Nizozemska

[pečat Međunarodnog suda]